

# Nikmati pelepasan cukai tahun 2024 dengan terus menabung di Simpan SSPN

**KUALA LUMPUR:** Pende-posit Skim Simpanan Pendidikan Nasional (Simpan SSPN) ber-peluang menikmati insentif pelepasan taksiran cukai pen-dapatan sehingga RM8,000 bagi taksiran tahun ini sekiranya terus menabung di dalam skim simpanan itu.

Pengerusi PTPTN Datuk Nor-liza Abdul Rahim dalam kenyataan baru-baru ini berkata, ibu bapa sebagai pendeposit Simpan SSPN layak mendapat pelepasan sehingga RM8,000 setahun bagi setiap se-orang anak sekiranya membuat taksiran cukai secara berasingan.

“Manakala ibu bapa sebagai pendeposit yang membuat tak-siran cukai bersama layak men-dapatkan pelepasan taksiran

cukai sehingga RM8,000 setahun untuk satu pasangan.

“Simpan SSPN merupakan insentif istimewa kepada pen-deposit kerana ia satu-satunya produk simpanan yang memberikan kelebihan berbeza berbanding simpanan lain,” katanya.

Katanya, sehingga 31 Mac lepas tabungan Simpan SSPN mencatat deposit berjumlah RM17.75 bilion daripada 6.32 juta akaun, sekali gus menjadi pilihan utama masyarakat untuk membuat penabungan bagi pendidikan tinggi.

Sementara itu, Norliza berkata bagi menggalakkan penabungan, PTPTN akan mengadakan Ca-butuan Siri WOW! Kasih Simpan SSPN bagi menghargai insan bermakna dalam kehidupan,

bersempena sambutan Hari Ibu, Hari Bapa dan Hari Guru yang bakal diraikan.

Kempen yang bermula 1 Mei hingga 30 Jun depan itu terbuka kepada semua pendeposit Simpan SSPN iaitu Simpan SSPN Prime dan Simpan SSPN Plus.

“Melalui kempen ini, PTPTN menawarkan hadiah lumayan iaitu wang tunai keseluruhan berjumlah RM100,000 untuk 181 pemenang, dengan hadiah utama berjumlah RM10,000 untuk seorang pemenang dan hadiah saguhati RM500 untuk setiap 180 pemenang.

Orang ramai boleh melayari portal rasmi PTPTN di [www.ptptn.gov.my](http://www.ptptn.gov.my) untuk maklumat lanjut. — Bernama